



Pa motibo di mantencion riba nos drukkerij y instalacion di machine nobo, nos ta draai riba 16 pagina pa algun dia. Asina cu nos ta bek na normalidad, nos ta bay 32 y 48 pagina.

# Dos ATRACO riba Snacktruck prome cu TDQ; Welldone na Tankiflip y riba Ruiz



## Covid 102 caso nobo

APA ta contento di anuncia:  
Celebrity Cruises cla pa  
cuminsa nabega atrobe



MENSAHE-NAN DI  
MISERICORDIA DI HESUS

HESUS,  
DEN BO MI  
TA CONFIA !

lesa pagina 9





# Chauffeur cu velocidad halto a dal den pickup




Professor Lorentzstraat un biaha mas tabata den noticia ora cu diamars atardi chauffeur di un ford pickup a bay pa lora dreña Colombiastraat, su tras tabata biniedo un Volkswagen y e chauffeur a lastra un brake, no a mantene su

distancia, dal den banda di e pickup.

E volkswagen haya hopi sla parti dilanti mientras e pickup no a haya mucho. No tabatin ningun persona herida den e accidente.



## Atracadornan di snacktruck tras di trali



Den un forma relampago, autoridad a logra pone man riba e atracadornan di snacktruck di dialuna anochi. Den careda di 1.00 di marduga, den Caya Tumba a haci e detencionnan y como tambe a tuma e auto den beslag.

Manera e descripcion di e victimanan tabata bisa, un di nan ta parecido na un Chines. Esaki ta loke a bin encontra tambe, unda un di e atracadornan tin parecido di Chines. Autoridad a laga takkel e auto hiba



warda di Sta. Cruz pa asina por bay haci mas investigacion como tambe a transporta e sospechosonan pa warda di polis unda nan lo mester bay rindi cuenta na recherche nan di loke nan ta wordo sospecha di dje.



# Dos atraco riba Snacktruck prome cu TDQ; Welldone na Tankiflip y riba Ruiz



Dialuna anochi algun alarma a wordo bati pa rato prome cu TDQ, dos atraco. Ta trata di

dos Snacktruck. Uno ta Ruiz y otro ta Welldone na Tanki Flip.

Segun testigonan, tres homber, estatura mediano, cara tapa, a sorpresa personal di truck, ora ya nan ta cera y tabata ruim op. Nan tabata arma cu pistol y cuchiu. Na Welldone nan a bay cu rugtas y placa, mientras na Ruiz tambe a bay cu placa. Tur autoridad a activa

mesora unda tabata parando tur auto riba caminda pa control.

A pata varios auto, sin exito pa haya paradero di e atracadornan. Ambos truck ta equipa cu camera y den

vicindario tambe tin suficiente camera pa asina por duna autoridad un vista di kico a sosode y pa asina purba haya pista necesario yega na e autornan.



**Announcement of the  
Government of Aruba  
Treasury Bills issue – Afl. 45,000,000.00  
March 31, 2021 – June 30, 2021**

Issuance pursuant to the State Ordinance on Treasury Paper (AB 1987 no. 3) and the State Decree no. 1 of March 17, 2021.

The Centrale Bank van Aruba (CBA) informs of the upcoming Government of Aruba (GOA) Treasury Bills issue on March 31, 2021, in multiples of Afl. 250,000.00 and Afl. 1,000,000.00.

Amount:	Afl. 45,000,000.00
Maturity:	3 months
Redemption date:	June 30, 2021

Participation in the upcoming GOA Treasury Bills issue is only allowed through the intermediation of a local commercial bank. Application forms must be submitted to the CBA on **Monday, March 29, 2021 at the latest 12:00 hours (cutoff time).**

Aruba, March 24, 2021  
Centrale Bank van Aruba





# APA ta contento di anuncia: Celebrity Cruises cla pa cuminsa nabega atrobe

"Nos ta net un aña despues y ta importante pa rebiba economia atrobe. E decision di Celebrity Cruises a yega na bon momento y ta un bon noticia pa nos turismo y nos economia", asina Marc Figaroa, director di Aruba Ports Authority N.V. (APA) a declara den fin di siman. Yegada di cruceronan atrobe na nos isla ta traduci den mas entrada y un inyeccion directo den nos economia, pa tur cu ta depende di turismo.

Diabierna ultimo Celebrity Cruises a anuncia su regreso tan spera den e mundo di crucero, segun cu e presidente y CEO, Lisa Lutoff-Perlo a confirma. E crucero revolucionario Celebrity Millennium, na cabes di un programa di modernisacion di e flota na balor di 500 miyon dollar, lo sali for di waf di St. Maarten entrante dia 5 di juni 2021.

Pa dia 25 di maart, biaheronan ansioso por converti nan soño bira realidad, ora cu habri e reservacionnan pa itinerario nobo di shete anochi, cu lo sali te cu augustus pa algun di e destinacionnan mas gusta den Caribe. E crucero lo nabega cu tripulacion vacuna caba y lo ta disponibel pa huespednan adulto vacuna y muchanan te cu 18 aña cu un resultado negativo di PCR test haci 72 ora prome cu e biahe.

Presidente y CEO di Celebrity Cruises, Lisa Lutoff-Perlo a bisa: "Bayendo bek den Caribe despues di mas di un aña ta un momento hopi importante pa nos. E ta marca comienzo di e final di loke tabata un momento excepcionalmente desafiante pa nos tur".

Crucero den Caribe: loke ta destaca mas di e experiencia

E temporada nobo di crucero den Caribe di Celebrity, ta ofrece un siman di placer riba un crucero di lubo cu experiencia gastronomico di clase mundial, espectacularnan emocionante y cambernan elegante, tur mientras cu bo ta disfruta di solo, cultura y historia di algun di e islanan mas bunita di mundo.

E revolucion di Celebrity For di e dek pa e mast, Celebrity Millennium a pasa door di un di e renobacionnan di mas grandi den historia, pa garantisa un experiencia nobo di lubo incomparable pa e pasaheronan. E crucero awo ta conta cu cambernan nobo, restaurant y salanan recien ekipa y un spa rediseña cu ta ofrece e huespednan formanan incomparable di relaha y recarga e energianan.

Algun di e mehoracionnan adicional abordo ta inclui:

- Camber y suitenan contemporaneo completamente rediseña inspira den e diseñonan di e diseñado di interior galardona, Kelly Hoppen pa Celebrity Edge y cu clechinan di eXhale di Celebrity cu su corchonan luboso Cashmere™;
- Restaurant, bar y salanan increíblemente renoba unda cu huespednan por disfruta di experiencianan culinario inigualabel den un ambiente cautivador.
- Boutique nan nobo cu number di e diseñadonan mas popular.
- Tecnologia di blokeo RFID avansa di Celebrity di acceso cu un yabi digital pa cada porta di e cambernan.

Saludabel riba lama E prome prioridad di e compania ta salud y siguridaddiepasaheronan, e tripulacion y personanan den e luganan cu ta bishita



nan barco. Celebrity Millennium lo nabega cu medidanan integral di salud y seguridad di multiple nivel, desaroya pa e guia experto di Healthy Sail Panel di Royal Caribbean Group y e director global di salud publico y director medico, como tambe autoridadnan gubernamental y di salud local. E medidanan aki, incluyendo e rekisitonan di vacunacion, lo evoluciona di acuerdo cu e standardnan actual di salud publico.

E detayenan riba tur e medidanan di salud y seguridad

Ademas cu e huespednan

mester cumpli cu e biahenan di St. Maarten, rekisitonan cu actualmente ta inclui presenta un PCR test negativo tuma 72 ora prome cu yegada riba e isla. Simplificando e experiencia di vakantie di lubo, WiFi, bebida y tips awo ta "Semper Inclui" riba tur crucero di Celebrity. Ademas, e programa "Celebrity Cruise cu confiansa" ta ofrece cancelacionnan flexibel y garantia di e miho prijs. Tambe mester pone enfasis cu e crucero mester cumpli cu e protocol nan estricto di Aruba.

Un esfuerso entre

Gobierno, APA y ATA Paporalograesaki cu Royal Caribbean Group tabatin bastante dialogonan entre Ministerio di Turismo, ehecutivonan di Aruba Tourism Authority y Aruba Ports Authority. Aruba a muestra disponibilidad pa traha hunto cu e crucero y autoridadnan di salud, pa hunto haci e bishitanan aki posibel. Un biaha mas ta keda demostra cu Aruba ta keda un di destinacionnan preferi den turismo crucero y sin kita afo e reconocimiento di forma cu Aruba ta manehando e crisis. Ta spera e crucero dos biaha pa luna na Aruba, desde luna di juni caba.



**Peticion pa aprobacion di un plan di parcelacion na Savaneta** conforme art. 33 di e Ordenanza di desaroyo teritorial (LRO). E concepto di e plan di parcelacion ta poni pa inspeccion publico na **DIP, Sabana Blanco 68**, cu reserva di tur derecho cu cambianan por wordo hasi na e parcelacion, durante un luna desde dia 24 maart 2021 durante oranan di trabao. Tambe e plan por wordo mira riba [www.dip.aw](http://www.dip.aw). Interesadonan por entrega te cu un luna despues di e termino aki nan punto di bista por escrito tocante e concepto di e plan di parcelacion serca Ministro di Desaroyo Teritorial, Infraestructura y Medio Ambiente pa medio di e director di DIP.



**Peticion pa aprobacion di un plan di parcelacion na Tamarijn** conforme art. 33 di e Ordenanza di desaroyo teritorial (LRO). E concepto di e plan di parcelacion ta poni pa inspeccion publico na **DIP, Sabana Blanco 68**, cu reserva di tur derecho cu cambianan por wordo hasi na e parcelacion, durante un luna desde dia 24 maart 2021 durante oranan di trabao. Tambe e plan por wordo mira riba [www.dip.aw](http://www.dip.aw). Interesadonan por entrega te cu un luna despues di e termino aki nan punto di bista por escrito tocante e concepto di e plan di parcelacion serca Ministro di Desaroyo Teritorial, Infraestructura y Medio Ambiente pa medio di e director di DIP.



# Parlamentario Rocco Tjon (MEP): Fraccion MEP a reuni cu Gerencia di Elmar N.V.

Siman pasa nos a reuni cu gerencia di Elmar. Un reunion sumamento positivo, caminda a haya un splicacion amplio riba diferente punto. Entre otro a trata (1) e situacion financiero di e compania, (2) proyecto di "grid" y "smart meter", (3) e desaroyo di energia solar, (4) e impacto cu e pandemia tin riba e compania y (5) tambe e areanan di enfoko pa 2021-2024.

Cantidad y tipo di meter Elmar ta distribuidor exclusivo di electricidad na Aruba for di 1950 y tin mas cu 50 mil meter pega na Aruba. E diferente meternan ta categorisa entre residencial (47.406) y Comercial (4882). Den e categoria di comercial tin un distincion ta wordo haci entre "small" y "large". Y akinan por wak cu e 50 clientenan grandi den e categoria aki, cual ta e hotelnan, nan consumo ta mas u menos un tercera parti di e total na Aruba.

## Impacto di COVID

Mirando e uso significativo di e hotelnan y dependencia di e entrada aki e impacto tabata grandi pa e situacion financiero di e compania. Na 2020 a señala un rebaho den benta di 82%, compara cu e aña anterior. Gerencia di Elmar a splica cu nan ta premira cu entre 3 pa 5 aña e compania lo "recover" por completo. Na 2024 lo yega bek na e nivel di 2016 qua benta di kWh. Pa mitiga e impacto financiero aki tin diferente proyecto cu a wordo posponi y tambe interno mes



den e compania a haci diferente ahuste. Tambe clientenan por a yega na un arreglo di pago cu Elmar y hasta cu e posibilidad di bay over pa meternan pre-pago na unda e cliente mes por educa su mes ariba con pa maneha e uso di coriente concientemente.

## Arananan di enfoko 2021-2024

Un di areanan di enfoko cu sigur a resalta ta cu gerencia a indica cu lo bay percura pa e compania bira aun mas eficiente. Den cuadro di esaki lo optimalisa y evita gastonan innecesario, percura pa operacionnan mas eficiente y asina elimina gastonan excesivo. Pero di otro banda lo sigui mehora e calidad di e portfolio di Elmar. Esaki door di percura pa mantencion structural y digitalisacion di e "grid". Tambe lo continua y amplia e "smart meter project & smart sensors".

## Iluminacion di caya

Un proyecto tambe cu ta hayando su debido atencion aworaki ta esun

di iluminacion di caya cu ta den man di DOW. Prome Minister sra. mr. Evelyn Wever-Croes a indica algun tempo atras, cu ta den deliberacion pa esaki por pasa por completo pa Elmar. Di e forma aki na un manera

planifica y structura tur area na Aruba lo bay haya e iluminacion necesario pa entre otro eleva e seguridad.

Pa conclui Fraccion di MEP ta wak bek riba un reunion

hopi informativo y nos ta gradici Gerencia di Elmar pa e informacion brinda. Alabes tambe ta deseanan exito cu ehecuion di nan proyectonan den e diferente areanan di enfoko.

## A.G Accessories & more

The cutest little Easter gift baskets

Ta traha diferente arreglo di Basket pa Easter

Nos tin regalo pe mas chikito (baby)  
le na e mas grandi di cas (teenager)

Tambe nos ta traha arreglo (chikito) pa scol,  
oficina, compania & hopi mas


Nos ta traha arreglo pa tur budget.

Por hasi pago cash of via bank transfer!

Pa Informacion of Pedido ➡ 732-5001



# Tres hoben, un chines y dos local, a tira dos atraco arma den menos cu mey ora di tempo



Tanki Flip/ Tanki Leendert; Diahuna durante ora di cierre, dos snacktruck ta bira victima di atraco arma, ta trata di Welldone Snacktruck pariba di rotonde Tanki Flip y algun minuut despues Ruiz Take away pariba di rotonde Tanki Leendert.

Den careda di 11'or di anochi, e dama cu ta traha na Welldone Snack truck a wordo sorpresa pa tres atracado basta hoben. Tur tres tabata bisti na preto, un tabata tin un arma di candela y e dos otro nan tabata den posesion di un cuchiu.

E señora a spanta y despues di a duna nan e 200 florin cu tabata tin den e caha nan a bandona e sitio.

Mas u menos 15 minuut despues, Ruiz Take Away pariba di rotonde Tanki Leendert, tambe ta bati alarma, pa motibo cu nan tambe a bira victima di atraco. E mesun tres atracadonan hoben a bay na Ruiz Take away y aki tambe despues cu nan a haya local tabata tin den e

caha, nan a bandona e sitio, nan a bay na pia direccion zuid patras di Ruiz Take Away.

Na Welldone Snacktruck nan a bay cu 200 florin cu tabata tin den e caha y na Ruiz Take away nan a haya solamente 100 florin mirando cu e caha tabata cera caba. Recherchenan di atraco team a bay na ambos Snacktruck y a cuminsa cu un investigacion

E atracadonan tabata un mucha homber hoben chines y dos otro mucha homber local, bruin cla, nan tur tres ta papia bon papiamento. Polis ya caba tin un pista ken e atracadonan aki.

Varios unidad di polis y team di recherche ta riba caya buscando e tres hobennan aki, nan ta parando varios auto y ta haciendo controlnan riguroso. Por spera den un momento pa otro, cu nan lo por pone man riba e tres hobennan aki.



## UPDATE 23 March 2021

	ON ICU WARD	ON NURSING WARD
<b>TOTAL COVID-19 patients</b>	<b>12</b>	<b>23</b>
<b>NEWLY ADMITTED</b>	<b>+0</b>	<b>+5</b>
<b>NEWLY DISCHARGED</b>	<b>-0</b>	<b>-6</b>

COVID19 SUSPECTED AWAITING RESULTS	IN QUARANTINE
<b>1</b>	<b>1</b>



Alan Howell

## Turismo crucero ta start atrobe y lo contribui na crecimiento economico di Aruba

Dialuna a habri cu bon noticia pa loke ta trata turismo crucero. Despues cu durante 1 aña largo nos waf di crucero no a mira ningun movicion, Minister di Turismo a bin cu e noticia cu entrante cuminsamento di juni, porfin lo cuminsa wak turista crucero bek na Aruba.

Lider di POR, Alan Howell a indica cu e ta sumamente contento di por a scucha e noticia aki, cual ta un indicacion cu ta mirando luz den horizonte y cu e comerciantenan chikito, cual ta un di esnan cu mas a sinti e consecuencianan di e

pandemia, por cuminsa hala rosea un biaha mas.

Howell por a compronde cu e prome crucero cu lo yega Aruba ta esun di Celebrity cual lo trece bida den centro di ciudad un biaha mas. E prome 'calf' lo ta dia 8 di juni y lo bishita nos isla un biaha pa siman. Pa loke ta trata Corona Virus, e ventaha di e crucero aki ta cu tur tripulante y pasahero mester ta vacuna prome cu nan aborda. Adicional, e pasaheronan mester presenta un PCR test negativo no mas bieu cu 72 ora.

E paso aki ta trece cune

un sentido di seguridad pa nos poblacion tambe cu lo cuminsa mira regreso di e turistanan crucero riba nos isla. Pa loke ta e protocol ora nan baha, Alan por a compronde cu ainda no tin algo definitivo, pero mirando cu ta trata di pasaheronan y tripulacion vacuna, e ta kere cu e chens ta grandi cu nan lo por move libremente manera semper tabata e caso.

Ta spera cu e bon noticianan di turismo crucero continua y asina poco poco bay bek na e nivelnan cu Aruba a conoce di cantidad di bishitantenan crucero, cu ta contribui



grandemente na di centro di ciudad, pero economia no solamente di henter Aruba.

## Sintonisa Canal 22, Diahuebs 25 di Maart 2021 pa 8.30 anochi:

### "Divine Mercy Sunday"

#### Palabranan di Jesus :

Apesar di Mi pasion amargo hopi alma ta bay perdi. E Diadomingo di Misericordia ta e ultimo tabla di salvacion pa e pecadornan. Riba e dia aki ture portanan di cielo door di cual e gracionan ta pasa ta habri.

Pa un splicacion cla y bunita di e dia aki, di parti di Soeur (Sur) Gaudia Skass cu ta bini di e mesun Congregacion di Santa Faustina,

sintonisa Canal 22  
Diahuebs, 25 di Maart 2021  
Horario 8.30 pm





# Minister Xiomara Maduro a bishita exposicion Historia di Parokia di Noord na Kapel di Bethania



Durante oranan di merdia riba Dia di Himno y Bandera, Minister di Cultura Sra. Xiomara Maduro a pasa bishita e exposicion 'Historia

di Parokia di Noord' na Kapel di Bethania. Un bunita exposicion pa cual e mandatario ta gradici Fundacion Kapel di Bethania, specialmente

Sr. Steve Geerman pa e bunita trabou di conserva e herencia cultural Cristian di nos Pais.

## Accidente pa motibo di velocidad halto, chauffeur a perde control, subi acera y a bay dal den barancanan canto di caminda



Gasparito: Diamars algo despues di 12'or di merdia presencia di polis a wordo pidi na altura di Buccaneer Restaurant, pa un accidente.

Na yegada enberdad nan ta topa cu un Toyota Corolla cu basta daño material, na e sitio nan a bin compronde cu e chauffeur di e Toyota

Corolla tabata biniendo cu velocidad halto y den e bocht a perde control, subi acera y a bay dal contra e barancanan canto di

caminda. No tabata tin niun persona herida, pero si hopi daño material.



### ANUNCIO

SETAR ta informa cu lo tin trabounan di mantencion riba:

Diahuebs 25 di maart 2021 di  
7.30 am - 4.00 pm

Barlonan afecta lo ta Nuñez (un parti) y  
Paradera (un parti).

Nos disculpa pa cualkier Inconveniencia.





## MENSAHENAN DI MISERICORDIA DI HESUS HESUS, DEN BO MI TA CONFIA !

Mi ta manda bo na henter humanidad cu Mi misericordia.  
Mi no kier castiga ■ humanidad herida, sino mi ta desea di cur'e, di bras'e na Mi Curason misericordioso.  
(...) Prome cu e dia di husticia Mi ta manda e dia di misericordia.

PALABRANAN DI HESUS NA  
SANTA FAUSTINA.  
INTRODUCCION DI E  
MENSAHENAN

MENSHAE DI E MISERICORDIA,  
DON DI DIOS PA NOS TEMPONAN

Mi Curason ta alegre su mes cu e titulo di misericordia aki.  
Proclama cu misericordia ta e atributo mas grandi di Dios.  
Tur e obranan di Mi mannan ta corona pa misericordia (300).

Señor Hesus a eligi y a manda Santa Faustina Kowalska, di ■ Congregacion "Las Hermanas de la Madre de Dios de la Misericordia", na henter mundo cu ■ mensahe di e Divino Misericordia. Señor, pa medio di ■ mensahe cu ta contene ■ berdad biblico tocante e amor misericordioso di Dios pa cada persona, ta yama pa proclam'e cu un forsa nobo, y pa roga tambe pa haya e misericordia di Dios pa mundo henter. Cu ■ intencion aki El a entrega formanan nobo di e devocion: e imagen cu e inscripcion Hesus, den Bo mi ta confia, ■ Fiesta di Misericordia, e Corona na ■ Divino Misericordia, e oracion na momento di Su agonía na ■ cruz, e ora di Misericordia (3or atardi) y e propagacion di e devocion na Divino Misericordia. Na cada un di e formanan di e devocion, Señor a agrega promesanan grandi, semper cu practicanan cu un spirito di confiansa den Dios (cumpli Su voluntad cu ta para den e mandamentonan, ■ Palabra di Dios, ■ obligacionnan di ■ condicion di bida di cada ken, e inspiracionnan cu nos ta bay compronde di Spirito Santo), y eherece e misericordia na favor di otronan. Solamente e ora ■y, e practica di e formanan di devocion lo ta un acto di devocion autentico di e Divino Misericordia.

Henter mensahe di Misericordia como tambe e scol di spiritualidad cristian di cua e apostel di Divino Misericordia ta trece pa e historia di Iglesia a keda skirbi den e Diario di Santa Faustina. E scol aki ta consisti den yega conoce e misterio di Dios Su Misericordia y contempl'e den Dios y na Misericordia cu prohimo. Awendia, e Movimiento Apostolico di e Divino Misericordia, cu a sali di e carisma y experiencia spiritual di ■ Apostel, ta continua su mision profetico di anuncia e amor misericordioso di Dios pa mundo. E movimiento menciona no ta forma solamente pa congregacionnan religioso di clausura y esnan



di caracter activo, manera fraternidadnan, asociacionnan, apostoladonan etc., sino e ta forma tambe pa fielnan, cu individualmente ta cuminsa proclama e mensahe di Misericordia, door di testimonio di bida, den un spirito di confiansa den Dios y di amor activo pa e prohimo, pa medio di obranan, palabranan y door di oracion.

Henter mensahe di Misericordia como tambe ■ scol di spiritualidad cristian di cua e apostel di Divino Misericordia ta trece pa e historia di Iglesia a keda skirbi den e Diario di Santa Faustina. E scol aki ta consisti den yega conoce e misterio di Dios Su Misericordia y contempl'e den Dios y na Misericordia cu prohimo. Awendia, e Movimiento Apostolico di e Divino Misericordia, cu a sali di e carisma y experiencia spiritual di e Apostel, ta continua su mision profetico di anuncia e amor misericordioso di Dios pa mundo. E movimiento menciona no ta forma solamente pa congregacionnan religioso di clausura y esnan di caracter activo, manera fraternidadnan, asociacionnan, apostoladonan etc., sino e ta forma tambe pa fielnan, cu individualmente ta cuminsa proclama e mensahe di Misericordia, door di testimonio di bida, den un spirito di confiansa den Dios y di amor activo pa ■ prohimo, pa medio di obranan, palabranan y door di oracion.

Den e foyeto aki ta haya ■ palabranan mas importante di Hesus saca di e mensahe di e Divino Misericordia dunanaseur Faustina. E numbernan entre parentesis ta indica e fuente di informacion di numeracion di e textonan di e "Diario" di soeur Santa Faustina Kowalska, © "Padres Marianos de la Inmaculada Concepción de la Santísima Virgen María, Stockbridge, MA, EE.UU."

## MINISTER GLENBERT CROES: DECRETO NACIONAL DI CODIGO DI PROTECCION TA UN REALIDAD

Aruba; Despues di un lucha y trabou hopi intensivo porfin Sociaal Crisis Plan a logra cu e implementacion diCodigo di Proteccion.

Den un periodo di 1 aña di tempo e ekipo diCodigo di Proteccion bou auspicio di Sociaal Crisis Plan a logra prepara y awo lo introduci ■ maneho y ehecucion diCodigo di Proteccion den sector Social, Enseñansa, Husticia y Salubridad Publico.

Codigo di Proteccion ta e base fundamental di un sistema di proteccion efectivo y eficiente di nos muchanan y hoben. Codigo di Proteccion ta drenta na vigor pa tur profesional, cu ta traha directo y indirecto cu mucha, hoben y nan famia, ora nan tin (sospecho di) abuso di menor.

Codigo di Proteccion ta estructura e proceso di evalua (sospecho) di abuso di mucha, haciendo uzo di 5 paso, cu ta describi den e Decreto Nacional (LB HAM). Durante 1 aña desde ■ duna diferente training di Signs of Safety (SoFS) na mas cu 300 profesional den e 4 sectornan. SoFS ta e herment cu e profesionalnan ta uza den e 5 pasonan diCodigo di Proteccion, pa asina por pone e mucha/hoben central y sigur.

Den e proximo simannan lo bay tin training intensivo di un total di 14 persona cu lo bay dedica nan mes como "Train de Trainers", via LVAK (Landelijk Vakgroep Aandachtfunctionaris Kindermishandeling), di Hulanda. Nan lo ta encarga cu e responsabilidad pa guia y duna curso na e Supervisor nan diCodigo den tur 4 sector y asina garantisa cu e supervisor nan ta keda na altura di tur loke ta encera (sospecho di) abuso di mucha y violencia relacional. Ta premira cu na comienso di april, Codigo di Proteccion lo drenta na vigor. Tras di cortina tin varios trabou intensivo cu a tuma luga den e sectornan cu lidernan di proyecto di cada sector: Dorilis Werleman sector Husticia, Grace



Maduro sector Salud, Efraim Suurendonk sector Social y Jullie-Ann Thode y Joan Danies pa sector di Enseñansa, Paul Baeten pa Bureau Sostenemi. Minister Glenbert Croes ta manda un palabra di pabien na e tremendo ekipo diCodigo di Proteccion, cu ta traha incansabel pa logra implementa un sistema cu por garantisa y salvaguardia nos mucha- y hobennan, ora ta trata (sospecho di) abuso di menor na Aruba.

Na mes momento e mandatario di gradici henter e veld social cu a bin hunto principio di december 2017 y cu te awe ta trahando incansablemente pa hunto nos logra e maximo proteccion pa nos yiunan.





## Minister Andin Bikker: Guarda nos Costa cu uniform y mobilofoon nobo



Recientemente personal di Guarda nos Costa a haya mas uniform nobo. A pidi Minister si por considera pa bestel mas uniform pa nan. Tambe a pidi pa mas radio pa promove miho comunicacion. Awe mainta e mandatario a entrega e cargamento nobo di uniform y mobilofoon na Guarda nos Costa.

“Ta importante pa cumpli cu locual priminti. Mi ta conoci pa semper ta busca solucionnan pragmatico”, asina Minister Bikker a bisa awe mainta. E mandatario a subraya cu den tempo di pandemia ta masha dificil pa aloca fondonan, pero cu el a haci tur esfuerso pa toch realoca e poco fondonan disponibel pa brinda empleadonan do Guarda nos Costa mas y miho herment di trabou.

Ta bon pa resalta cu Guarda nos Costa a pasa den henter un cambio cu Andin Bikker como Minister di Husticia, Siguridad y Integracion. A renoba e edificio existente bandi Brandweer na aeropuerto, a renoba ex-edificio di Huis van




Bewaring, a busca auto nobo pa garantisa miho transporte, a cumpra uniform nobo y a zorg pa mobilofoon. Pa logra e inversionnan aki, a percura pa aloca hopi fondo for di presupuesto

di gobierno mes y fondo adicional di Hulanda.

Ex-Minister Rudy Croes a institui Guarda nos Costa na aña 2003 pa por combati e retonan cu ilegalidad riba nos isla. E

departamento a pasa bou di DINA, Cuerpo Policial, IASA y desde 2019, Minister Andin Bikker a hacie un departamento independiente riba su mes.

## Accidente cu herido dilanti Palm Beach Plaza, auto a dal tras di otro




Palm Beach: Diamars algo despues di r'or di merdia a sosode un accidente

na altura di Palm Beach Plaza. Mesora a pidi pa presencia di polis.

Na yegada enberdad nan a bin topa cu un dama kende tabata herida. Tambe nan a bin compronde cu chauffeur di un auto no a controla su velocidad na tempo y a dal tras di un MG oranje.

E dama herida tabata kehando di hopi dolor, mesora a pidi pa presencia di ambulance. Na yegada di ambulance, e paramediconan di ambulance a trata e victima na e sitio y despues a transport'e pa hospital.

Ambos auto no a haya hopi danjo material y no tabata tin mester di takelwagen.





# Parlamentario Endy Croes: Asina e ley di Gamingboard pasa Lotto lo haña un competencia husto unda e placa aki si lo yega su destino real

Parlamentario Endy Croes ta splica cu den tapara tin un ley nobo cu lo mester wordo trata pronto. E ley aki Landsverordening Toezicht Kansspelen (Kansspelenautoriteit) ta un ley cu a inicia desde 2009, despues a wordo modifica pa AVP na 2015 pero nunca a wordo trata of a keda aproba. Alrespecto FATF di merca hopi presion ta wordo poni pa Aruba tin un ley asina inplace. Unaves cu e ley aki wordo aproba den mundo di gambling esta Casino, Lotto, weganan di number, Bingo y tur cu tin di haber cu gambling (gaming) lo bay resorta bou di un instituto "Aruba Gaming Control Board". E instancia aki ta bira esun oficial pa ley cu ta bay duna permiso cu nan condicionnan mara na dije na Casinonan, Loterianan etc etc. Den e proceso aki tambe Minister di Deporte a trese un cambio unda lo permiti den futuro pa Aruba por tin 2 compania di Lotto. Manera e ley existente ta awor Aruba por tin un solo Loteria

cu ta bende Lotto. Pa locual ta catochi y otro weganan no tin un ley y tur companianan a draai riba asina jama un gedogenwet.

## CBN y FLPD a abusa di Aruba ultimo 10 aña nan:

Parlamentario Endy Croes a splica cu CBN y FLPD a abuses di confiansa di cumpradornan y sostenedornan di Lotto ultimo 10 aña nan. Desde 2001 te 2011 FLPD tabata maneha Lotto pa Deporte y ta paga CBN (Canada) un management Fee di 8.5% riba bentanan di Lotto y Mini Mega (net revenue - advertising) y tambe 8% riba weganan di Catochi, Zodiac, Lotto di Dia pa nombra algun. Desde cu AVP a drenta Lotto 23 di november 2009 promer cos cu nan a hasi nan e malgasta 5 miyon di deporte pa persigui un cantidad di hende unda finalmente nan a perde tur nan casonan. Na 2010



(AVP) a presta 7.5 miyon na AIB pa "operations". Algo nunca bisto. Na 2011 Lotto a hasi un reifinanciamiento di 20 miyon na CMB bank na Aruba unda CBN Canada a para garantia y aki (AVP) a cambia ful e estructura y a lanta Canadian Banknote Aruba. Tristo pa mira con AVP a bende Lotto cu Canada unda tur e benta bruto ta wordo maneha pa Canada y Aruba ta bin na remarke pa 11% so di ful e bolo pues aki tur cos a cambia y a bolter. Enbes

Deporte di Aruba haña e placa, Canada ta strica promer y Aruba ta haña cachi cachi. Esakinan ta algun rason pakiko MESTER bin competencia awor. World Lottery Association hustamente ta splica cu e comprador ora e aporta cumprando su Lotto y dado caso e no gana e premio e ta keda contento di mira cu su aporte ta bay bek den comunidad sea deportista of infraestructura pa Deporte. Desde Canada a "secuestra" Lotto Pa

Deporte cu cooperacion di AVP y e Bestuur cu Mike de Meza y Visser a pone desde november 2009 y ainda tey, tur esakinan a bira posibel unda Bo placa awor ta bay Canada. Cu e cambio di ley lo bin un Lotto extra y bon regla manera antes e tabata ta unda e placa realmente por yega su destinacion mereci. Alaves esaki lo trese competencia husto unda deporte lo beneficia na final. Mas den siman nos lo bay mas amplio riba esaki.

## 102 caso nobo

Segun resumen di awe 18 persona a recupera, a registra un total di 102 caso nobo di Covid-19, di cual 4 ta no-residente. E cantidad total di testnan ehecuta ayera na e diferente localidadnan na Aruba, entre otro laboratorio di hospital, laboratorionan priva y aeropuerto ta 742 test. 'Positivity rate' entre nos residentenan ta 27%.

Casonan activo pa awe ta 510, cantidad di fayecido relaciona cu Covid-19 ta 82.

Hospital ta informa cu tin un total di 35 persona interna di cual 12 ta den Cuido Intensivo y 23 riba unidad general di covid.

ULTIMO INFORMACION			
Casonan di Corona Virus na Aruba pa 23/3/2021			
23/3/2021	TOTAL	RESIDENTE	NO-RESIDENTE
Casonan Nobo	102	98	4
Activo	510	450	60
Recupera	8310	7784	526
Positivo	8902	8315	587
Negativo	110557	-	-
Getest	119810	-	-
Getest na Airport	77457	-	-
Morto	82	81	1



# NUMBER 3

**Lotto Merdia  
MAART 23 2021**

**CATONCHI**  
Sorteo # 3157  
**3596**  
**2417**  
**0886**

**BIG 4**  
Sorteo # 3157  
**2744**

**DIFF**  
Sorteo # 1213  
**9820**

**ZODIAC**  
Sorteo # 3157  
**9426**  
**Scorpio**

**Lotto Anochi  
MAART 22**

**CATONCHI**  
Sorteo # 7292  
**2894**  
**2334**  
**8963**

**BIG 4**  
Sorteo # 6336  
**3683**

**DIFF**  
Sorteo # 1041  
**7093**

**ZODIAC**  
Sorteo # 5095  
**3803**  
**Cancer**

**Lotto Merdia  
MAART 22 2021**

**CATONCHI**  
Sorteo # 3156  
**2376**  
**5371**  
**3860**

**BIG 4**  
Sorteo # 3156  
**5045**

**DIFF**  
Sorteo # 1212  
**1581**

**ZODIAC**  
Sorteo # 3156  
**4221**  
**Cancer**

# SOL De Pueblo

**Lotto Anochi  
MAART 22**

<b>LOTTO 5</b>	
Sorteo #	Joker Letter
0 x Jackpot	Proximo Jackpot
0 x Match 4+	<b>300.000,-</b>
0 x Match 4	
0 x All 12,00	

<b>LOTTO DIA</b>	
Sorteo # 5362	07-09-15-26-27
0 x Jackpot	Proximo Jackpot
4 x Match 4	<b>54.000,-</b>
96 x All 8,00	

<b>MEGA</b>	
Sorteo #	Mega Ball
0 x Jackpot	Proximo Jackpot
0 x match 4	<b>440.000,-</b>
0 x Afl. 500,00	
0 x Afl 50,00	
0 x Afl.15,00	


**Afl. 620.000,-**

## TA FURA

### Oranje Matrassen Fabriek

Set di sala, colchon, stoel di auto, boto etc. Buska mainta y haye atardi, 30% y 50% di descuento riba cashi panja y multi TV.

**TEI 588-7468 / 593-4387**



### Schedule Botica na Warda

March 2021

1 Palau di brug: Bata di Brug Palau di brug: Bata di Brug	2 Palau di brug: Bata di Brug Palau di brug: Bata di Brug	3 Palau di brug: Bata di Brug Palau di brug: Bata di Brug	4 Palau di brug: Bata di Brug Palau di brug: Bata di Brug	5 Palau di brug: Bata di Brug Palau di brug: Bata di Brug	6 Palau di brug: Bata di Brug Palau di brug: Bata di Brug	7 Palau di brug: Bata di Brug Palau di brug: Bata di Brug
8 Palau di brug: Bata di Brug Palau di brug: Bata di Brug	9 Palau di brug: Bata di Brug Palau di brug: Bata di Brug	10 Palau di brug: Bata di Brug Palau di brug: Bata di Brug	11 Palau di brug: Bata di Brug Palau di brug: Bata di Brug	12 Palau di brug: Bata di Brug Palau di brug: Bata di Brug	13 Palau di brug: Bata di Brug Palau di brug: Bata di Brug	14 Palau di brug: Bata di Brug Palau di brug: Bata di Brug
15 Palau di brug: Bata di Brug Palau di brug: Bata di Brug	16 Palau di brug: Bata di Brug Palau di brug: Bata di Brug	17 Palau di brug: Bata di Brug Palau di brug: Bata di Brug	18 Palau di brug: Bata di Brug Palau di brug: Bata di Brug	19 Palau di brug: Bata di Brug Palau di brug: Bata di Brug	20 Palau di brug: Bata di Brug Palau di brug: Bata di Brug	21 Palau di brug: Bata di Brug Palau di brug: Bata di Brug
22 Palau di brug: Bata di Brug Palau di brug: Bata di Brug	23 Palau di brug: Bata di Brug Palau di brug: Bata di Brug	24 Palau di brug: Bata di Brug Palau di brug: Bata di Brug	25 Palau di brug: Bata di Brug Palau di brug: Bata di Brug	26 Palau di brug: Bata di Brug Palau di brug: Bata di Brug	27 Palau di brug: Bata di Brug Palau di brug: Bata di Brug	28 Palau di brug: Bata di Brug Palau di brug: Bata di Brug
29 Palau di brug: Bata di Brug Palau di brug: Bata di Brug	30 Palau di brug: Bata di Brug Palau di brug: Bata di Brug	31 Palau di brug: Bata di Brug Palau di brug: Bata di Brug				

### Maduro Heavy Equipment N.V.

#### Nos tin servicio di BOBCAT

Pa tur tipo di santo, piedra y graniet

Pa trabao di rosamento y cobamento

di fundeshi of Pos

**Tin special riba diarazon**

Rooi Bosal 49

**Tel: 5851708/5943207/5931608**




## TA HUUR CONDOMINIUM/ SE ALQUILA

CONDOMINIO BONITO Y RECIEN RENOVADO EN CUNUCO

- 2 kamber cu queensize bed, cu airco inverter split unit, un baño.
- sala cu smart tv y airco
- Cushina cu Mini fridge 3/4 height, Electric stove y microwave. Afl. 1500.00
- Prepaid meter via Elmar, at all gas station - Water connection

**Pa info: 7390101**



### Yama nos y traha cita pa controla bo pecho nan.



Hende muher nan entre  
45 cu 75 aña di edad.  
Haci bo mamogram cada 2 aña.

**Stichting BOB Aruba a muda**

Adres : Caya dr. JEM Arends 17

Telefon: 588-1212  
WhatsApp: 594-5020

Nos ta traha solamente cu cita confirma.  
Servicio gratis cu parchi AZV

**Deteccion na tempo por salba bo bida !**

PRONOSTICO DI TEMPO VALIDO TE DIARANSON 24  
DI MAART 2021, 18:00 ORA.

ELABORA DIAMARS 23 DI MAART 2021 17:00 (21:00  
UTC)

TEMPO:

AWE ANOCHI: LEVEMENTE TE PARCIALMENTE  
NUBLA Y GENERALMENTE SECO  
DEN MARDUGA I MAYAN: PARCIALMENTE NUBLA  
CU UN AWACERO PASAJERO

TEMPERATURA MAXIMO 31 GRADO CELSIUS  
TEMPERATURA MINIMO 26 GRADO CELSIUS

BAHADA DI SOLO : 6:51 PM  
SUBIDA DI SOLO : 6:41 AM.

BIENTO:

MODERA TE BASTA FUERTE FOR DI DIRECCION  
OOST;

FORSA 4 TE 5 (20 TE 39 KM/ORA, 11 TE 21 NUDO).  
DEN DIA FUERTE TE POSIBLEMENTE DURO DEN  
RAFAGA;

FORSA 6 TE 7 (40 TE 61 KM/ORA, 22 TE 33 NUDO)

SITUACION GENERAL DI TEMPO PA PROXIMO 24  
ORA:

UN DISTURBIO DEN NIVEL MEDIANO I MAS HALTO  
DEN  
PARTI OOST DI CARIBE LO INDUCI AIRE MAS HUM-  
EDO  
DEN REGION DURANTE PROXIMO 24 ORA. ESAKI LO  
PONE DE BEZ EN CUANDO MAS NUBIA PASA RIBA  
REGION LOCAL CU CHANCE PA UN AWACERO  
PASAJERO TE BREVE LOCALMENTE.

CONDICIONAN MARITIMO/ ESTADO DI LAMA:  
UN ESTADO DI LAMA GENERALMENTE LEVE TE  
MODERA

NA PARTI ZUID Y GENERALMENTE MODERA NA  
SECTORNAN

OOST TE NOORDWEST TA WORDU SPERA DEN  
PROXIMO 24

ORA. OLANAN LO TA FOR DI OOST ENTRE 3 PA 5 PIA  
CU E OLANAN DI MAS HALTO NA PARTINAN OOST TE  
NOORDWEST DI COSTA.

AVISO/ ALERTA:

TA SUGERI OPERADORNAN DI BOTO CHIKITO PA BAI  
CU  
CAUTELA NA PARTINAN OOST TE NOORDWEST DI  
COSTA.

FENOMENONAN SPECIAL:  
NINGUN

POTENCIAL DI AWACERO PA PROXIMO 24 ORA:  
1 TE 3 MM; LOCALMENTE ESAKI POR VARIA.

REGISTRACION DI TEMPERATURA (GRADO CELSIUS)  
Y  
AWACERO (MM) DEN ULTIMO 24 ORA (8'AM PA 8'AM):

AIRPORT : MAX 31 / MIN 26 / 0.0 MM  
WESTPUNT: MAX 31 / MIN 26 / 3.1 MM  
STA ROSA: MAX 31 / MIN 27 / 0.0 MM

PRONOSTICO DI TEMPO PA PROXIMO 3 DIANAN:  
PARCIALMENTE NUBLA CU UN AWACERO PASAJERO.  
BIENTO LO TA FOR DI DIRECCION OOST I MODERA  
TE BASTA FUERTE; FUERTE TE POSIBLEMENTE  
DURO DEN RAFAGA;  
TEMPERATURA (GRADO CELSIUS) MAX / MIN LO TA:  
31 / 26

#### Promo #8

Makeup + Wax +  
Cejas + Bozo  
35 FL.

Valido Hasta el 10 de Marzo

#### Promo #7

Caballero  
Lavado + Corte +  
Barba + Cejas  
30 FL.

Valido Hasta el 10 de Marzo

#### Promo #6

Balayage  
Corto = 150 FL.  
Medio = 180 FL.  
Largo = 200 FL.

Valido Hasta el 10 de Marzo

#### Promo #5

Mechas  
Corto = 100 FL.  
Medio = 125 FL.  
Largo = 150 FL.

Valido Hasta el 10 de Marzo

#### Promo #4

Keratina  
Corto = 80 FL.  
Medio = 100 FL.  
Largo = 150 FL.

Valido Hasta el 10 de Marzo

#### Promo #3

Lavado +  
Hidratación +  
Corte + Blower  
Corto 40 FL. + Tinte = 80 FL.  
Medio 50 FL. + Tinte = 90 FL.  
Largo 60 FL. + Tinte = 100 FL.

Valido Hasta el 10 de Marzo

#### Promo #2

Pestañas  
Pelo a Pelo Clásico + Cejas  
Semipermanentes  
80 FL.  
Pelo a Pelo Volumen Rizado + Cejas  
Semipermanentes  
100 FL.  
Punto por Punto + Waco + Cejas  
Semipermanentes  
60 FL.

Valido Hasta el 10 de Marzo

#### Promo #1

Wax + Cejas  
Semipermanentes  
20 FL.  
Wax Bozo  
5 FL.

Valido Hasta el 10 de Marzo

**Karina**  
Beauty & Style  
+297 5689596  
¡Aprovecha  
Nuestras Promociones!



## Poesia pa mi suegra di Chama

Chichia, a bay cerca Papa Dios.  
 Hopi hende ta yorando cu el a laga nos.  
 Indudablemente un gran persona.  
 Caluroso, generoso, un tremendo anfitrión.  
 Hamas nos por lubid'e.  
 Incondicionalmente nos tur a stim'e.  
 Awor Angelnan di Cielo lo compañ'e.

Wak su esposo Janchi, na porta di Cielo awor.  
 En espera di su esposa Chichia, su gran amor.  
 Riba e nubianan halto aya nan dos.  
 Lo ta semper uni den Reino di Dios.  
 E trompetnan den Cielo ya ta zonando.  
 Musica Celestial ta resonando.  
 Awor cu Chichia, a bay laga nos tur atras.  
 Nunca nos lo por lubid'e hamas.

Michel M. Thodé y Famia

## ( ORACION NA SAGRADO CURAZON DI HESUS)

### SAGRADO CURAZON DI HESUS

Dilanti bo mi bini cu fe den mi alma pa buska amparo pa e situacion tan difícil aki.

No laga mi so.

Tur porta ta habri riba kaminda ku ajudo di bo manna dibino, kwalnan ta habri sera manera Abo ta dicidi.

Bo a bisa, "Ami ta e porta".

Duna mi e tranquilidad ku tantu mi ta anhela. Aki na Bo pianan, ku e suplica aki, ku mi ta spera Bo tende mi. ( Na e ocasion aki ta pidi e 3 kosnan difícil)

Seucha mi splica, pa e golpinan ku mi ta sufri. Jen di fe mi ta bini serka bo.

Mi tin gran confiansa den bo Sagrado Curazon, DEN BO MI TA CONFIA.

Reza i credo

Indicacion: Mester reza e oracion aki durante di 15 dia, kuminsando un Diabierna i terminando riba Diabierna. E ta worde reza sendiendo un bela, ku ta wordo paga ora kaba e oracion. Riba e di 8 dia ( Diabierna) 4 copia di oracion aki ta worde reparti, keda un ku su bela. E ultimo dia di oracion, e bela ta keda sendi te ora e kaba total.

## Oracion di dia

### Un feliz dia yena di bendicion y cu Dios drama Su gracia abundante riba boso

"Mi no a bini riba Mi mes, ma t'E a manda Mi" (Huan, 8, 42b)

Den Evangelio di awe Hesus ta bolbe pone enfasis riba obediencia, un palabra cu nos tur conoce pero, cu nos tin dificultad pa cumpli cu ne, principalmente ora ta trata Hesus! Hesus ta pidi nos pa ta obedecido manera E ta obedecido na Dios Tata, atrobe Hesus no ta tuma


Su Posicion di Dios sino di un Yiu obedecido te na Morto riba Cruz! Como hende, sin haci oracion, nos no lo por compronde esey nunca, paso mayoria di nos, cuminsando cu mi mes ta core pa sacrificio, paso no ta mi asunto, ken a mande, karma, si el a tende esey no lo a pasa, mi mes tin mester con mi ta bay yude, mi no tin tempo, etc., ta palabranan cu nos ta seucha of saca for di nos boca ora ta trata sacrificio. Nos ta pensa y actua hopi bes di e manera ey sin amor y sin misericordia, hopi bes nos ta cera nos curason y no ta keda espacio pa stima manera Hesus ta spera di mi! Ban medita riba Hesus Su Pasion, Morto y Resurreccion pa imita Hesus.

Oracion: Hesus mi Señor y mi Dios, perdona mi cu pa mi ignorancia, halsa y egoismo mi a actua sin misericordia y duda of a nenga di saca un man pa yuda mi Ruman. Amen.



ARUBA CLIMATE CONTROL NV KIER A  
 EXTENDE PALABRA DI CONDOLENCIA NA  
 HENTER FAMILIA Y AMISTADNAN DI  
 FRANKLIN KELLY. MIHOR CONOCI  
 COMO 'FRANKY'. UN GRAN AMIGO,  
 SUPER BON COLEGA Y TREMEMDO  
 MUSICO CU SEMPER A SA DI  
 ALEGRA NOS DIA CU SU  
 PERSONALIDAD.

FRANKLIN SOSEGA  
 PA PAZ.





Laga tur locual cu ta spera mi, ta bonita  
 Laga tur locual cu mi encontra na caminda ta bonita  
 Laga tur locual cu ta rondona mi ta bonita  
 Laga tur locual cu mi ta laga tras keda bunita y  
 Laga esaki nan termina den tur bunitesa  
 Cu inmenso tristesa na nos curason nos ta anuncia fayecimento di nos ser stima:


## Maria Mathilda Werleman-Croes

Mihor conoci como 'Chichia'

Nace 21 september 1931 – Fayece 19 maart 2021

Na number di su casa:

† Jantje Werleman



Mama y Tata:

† Francisco Croes y † Maria Luisa Croes- Lopez

Yunan:

Ruben Werleman y Lourdes Werleman-Everon

Ricardo Werleman y Norsi Werleman-Tavarez

Wina Croes- Werleman y Milo Croes

Lilian Thodé-Werleman y Michel Thodé

Rumannan:

† Addison Croes y Josefa Croes-Webb y famia

† Didi Lopez-Croes y † Bibi Lopez y famia

Ada Croes y Maiky Croes y famia

† Betico Croes y Glenda Croes y famia

† Aiky Croes y Elsa Croes-Tromp y famia

Theofilo (Fijn) Croes y Alsida (Chida) Croes-Werleman y famia

Hendrik Croes y Mechy Croes-Garrido y famia

Mary Henriquez-Croes y † Norman Henriquez y famia

Rudy Croes y Damia Croes-Arends y famia

† Tommy Croes y Frida Croes-Luidens y famia

Nieto- y nietanan stima:

Mayra, Ruthlin y Carlos, Ivana, Laura Andrea y Dyon

Jouel y Thiara, Juwina

Dylan, Lychael

Bisnieto/a nan:

Kirsten, Kaylie, † Kayler, Kandall, Hayley, Jaxon, Menno, Sierra-Mia

Swa y Cuñanan:

Louisa Werleman y famia

† Jacintha Croes-Werleman y famia

† Dominico Werleman y famia

† Rosimbo Werleman y famia

Alsida Croes-Werleman y famia

Juan (Roli) Werleman y famia

Fortunato (Catey) Werleman y famia

Sobrino- y Sobrinnan stima

Primo- y Primanan stima y Conocirnan

Compañera y Ayudante:

Berta Valencia Rodríguez

Lola Geerman

Amiga di Cas:

Aura Solognier-Delany

Gruponan di Oracion:

Fe Speransa y Amor

Rosea di Dios

Cosecha di Señor

Legion di Maria

Demas Famia: Werleman, Croes, Thodé, Everon, Tavarez, Lopez, Henriquez, Arends, Garrido, Kock, Wever, Oduber, Luidens, Webb, Tromp, Rafael, Visser, Isebia, Geerman y Correia de Andrade.

Ta invita pa asisti na e acto di entierro cu lo tuma lugar Diahuebs dia 25 di Maart 2021 di 2'or pa 4'or di atardi, sigui pa un respons na Misa Inmaculada Concepcion Santa Cruz y despues saliendo pa Santana Catolico Santa Cruz.

Nos kier recorda cu protocol di DVG ta vigente:

Uza handsanitizer na entrada, tapaboca ta obligatorio

y no ta permiti pa duna man, brasa of sunchi ni aglomeracion.


Si den nos tristesa nos por a lubida un of otro familiar y conocir nos disculpa.

Nos ta lamenta cu despues di entierro nos no por ricibi bishita di condolencia na cas.



Mi alma ta alaba Señor  
 y mi spiritu ta salta di alegria den  
 Dios mi Salvador

Legion di Maria, Sta Cruz cu profundo  
 tristesa ta participa fayecimento di nos  
 miembro activo



## Chichia Werleman Croes

Palabra di condolencia y forsa pa su  
 yui nan, ruman nan y famia.

Cu nos ruman Chichia  
 sosega na paz

# WASTE HANDLING CLEANING SERVICES

## SCEPTIC TANK (7 CUBE)

PRIJS SPECIAL  
AWG 75,-



**YAMANOS NA:**  
**560 3500 OF 563 4201**






# SOLO

## SUDOKU MANIA

1  
2  
3  
4  
5  
6  
7



3			8		1			2
2		1		3		6		4
			2		4			
8		9				1		6
	6						5	
7		2				4		9
			5		9			
9		4		8		7		5
6			1		7			3

7				2		4	8	
2		6			8			5
5			9					
			1	5				
	2						6	
				6	7			
					6			3
6			5			1		4
	9	3		4				7

### Sopi di Letranan

S	C	L	H	J	D	U	W	A	P	A	M	H
D	U	E	T	F	F	F	I	D	I	T	N	X
Q	A	N	E	D	C	S	F	R	F	E	N	H
R	I	G	E	A	O	E	O	D	A	N	O	B
Q	X	U	C	N	O	M	T	B	J	C	I	M
Y	A	A	G	B	E	V	C	X	H	I	S	M
A	R	J	F	M	G	J	R	W	B	O	N	L
C	P	E	R	C	E	P	C	I	O	N	E	I
O	T	N	E	I	M	A	N	O	Z	A	R	Q
F	E	J	E	C	U	T	I	V	A	M	P	N
X	C	V	G	T	U	I	O	R	W	Q	M	N
W	R	O	R	I	E	N	T	A	C	I	O	N

Memoria

Atención

Percepción

Comprensión

Orientación

Lenguaje

Gnosia

Praxia

Razonamiento

Función  
Ejecutiva